

LXXXVII

Deß Andern Theils Erster
Titul:

Von Contracten in gemeyn/ vnd von denen so ontüchtig vnd nichtig seynt.

De Contractibus, Titulus generalis.

S.
I. **V**e hochnöchtig zu täglichem gebrauch in diesem zeitlichen wäsen auff Erden/ seynt die Contract vñ Handthierungen / dardurch die gemeinschaft der Menschen erhalten wirdt/ So hochnöchtig ist auch den Contrahenten sich wol für zusehen/ vñ zu hüten / nicht allein daß sie diejenigen/ so mit inen Commertiren vnd handeln/ nicht arglistiglich betriegen vnd verforthenlen/ derwegen sie volgends/ wann sie des Betrugs beklagt vnd überwiesen würden / denselben von Rechts wege/ erstattig zuthun schuldig/ Sonder daß auch sie vö denen/ mit welchen sie Contrahiren/ nit verkürzt/ vernachtheilt/ vnd in Schaden gesetzt werden. Dañ ob wol eine gemeyne Regel ist / Was man einander zusagt/ vnd sich gegen einander verpflichtet/ daß man solches auch zu halte schuldig seye / So ist doch solche Regel allein von dem so redlich/ auffrichtig/ vnd rechtmäßig gehandelt wirt/ zuwerstehen/ Dann es seynt vil Fälle/ darinn die Contract/ ob sie gleich geschlossen vñ geschehen/ doch nach Ordnung deren Rechten/ zum theyl von wegen der Personen/ so mit einander Contrahiren/ zum theyl von wege der Gütere/ darüber Contrahirt wirdt / zum theyl auch von wegen anderer Ursachen/ in sich selbst ontüchtig/ krafftlos/ vnd nichtig seynt/ auch also/ wann es für Recht kompt/ erkennt werden.

¶ 3

Als